

**ORDENANZA FISCAL Nº 10**  
**ORDENANZA FISCAL REGULADORA DA TAXA POLA INTERVENCIÓN MUNICIPAL NAS COMUNICACIÓNS PREVIAS, DECLARACIÓNS RESPONSÁBEIS E NO OUTORGAMENTO DE LICENZAS DE APERTURAS DE ESTABELECIMENTOS.**

**ARTIGO 1. *Fundamento e natureza.***

En uso das facultades concedidas polos artigos 133.2 e 144 da Constitución e polo artigo 106 da Lei 7/1 985, de 2 de abril, reguladora das Bases de Réxime Local, e de conformidade co disposto nos artigos 15 ao 19 do R.D. legislativo 2/2004, de 5 de marzo, polo que se aproba o texto refundido da Lei reguladora das facendas locais, este Concello establece a Taxa pola intervención municipal nas comunicacións previas, declaracións responsábeis e no outorgamento de Licenzas de apertura de establecementos, que se rexerá pola presente Ordenanza Fiscal, cuxas normas atenden ao disposto no artigo 57 do citado R.D. legislativo.

**ARTIGO 2. *Feito impoñíbel.***

1. Está determinado polas actuacións municipais desenvolvidas con motivo da apertura de establecementos para verificación de que os mesmos reúnen as condicións requiridas polas Ordenanzas municipais, lexislación urbanística e sectorial de aplicación con carácter previo no caso de concesión de licenzas e posterior á presentación nos casos de presentación de comunicacións previas e declaracións responsábeis.

2. A tal efecto, terá a consideración de apertura:

a) A instalación por primeira vez do establecemento para dar comezo ás súas actividades.

b) A variación ou ampliación da actividade desenvolvida no establecemento, aínda que o titular sexa o mesmo.

c) Os traslados de locais.

d) Os traspasos, transmisións, cesións, trocos de forma societaria, unións e fusións de empresas e trocos de denominación social.

e) As reaperturas de establecementos.

3. Entenderase por establecemento, que requirirá a presentación dunha comunicación previa ou unha declaración responsable ou no seu caso, a obtención de licenza para a súa apertura:

a) Os locais dedicados ao exercicio habitual do comercio. Presumirase a mesma nos casos aos que se refire a lexislación mercantil e fiscal e, especificamente, cando a realización da actividade estea suxeita a tributación polo Imposto sobre actividades económicas.

b) Os locais nos que se desenvolva unha actividade económica de carácter comercial, industrial, de servizos, profesional ou artística.

c) Toda edificación habitable cuxo destino principal non sexa a vivenda e que se dedique a:

- Casinos ou círculos dedicados ao esparcemento ou recreo dos seus compoñentes ou asociados. As distintas dependencias que, dentro dos locais do casino, sociedade ou círculo sexan destinados a explotacións económicas suxeitas a tributación polo Imposto sobre Actividades Económicas serán obxecto de apertura diferente á principal que se refire ao obxecto social de carácter non lucrativo.
- Depósito ou almacén, aínda que se atope pechado ao público.
- Actividades que, tendo ou non fin lucrativo, impliquen a presenza habitual de persoas no local.

- Locais nos que se fagan usos e actuacións contempladas no Regulamento de Actividades molestas, insalubres, nocivas e perigosas.
  - Locais e recintos nos que se fagan espectáculos públicos.
  - Oficinas, despachos, bufetes, escritorios, consultorios ou estudos abertos ao público, onde se exerzan actividades artísticas, profesionais ou de ensino con fin lucrativo e suxeitas a tributación polo imposto sobre actividades económicas.
- d) Calquera outro establecemento que poida derivarse da Ordenanza municipal reguladora do exercicio de Actividades ou serizos.

### **ARTIGO 3. *Suxeito pasivo.***

Son suxeitos pasivos desta taxa, en concepto de contribuíntes, as persoas físicas e xurídicas e as entidades a que se refiren o artigo 36 da Lei 58/2003, de 17 de decembro, xeral tributaria, titulares da actividade que se pretenda desenvolver ou, no seu caso, que se desenvolva no establecemento.

### **ARTIGO 4. *Responsábeis.***

1. Responderán solidariamente das obrigas tributarias do suxeito pasivo, as persoas físicas e xurídicas a que se refire o artigo 42 da Lei 58/2003, de 17 de decembro, xeral tributaria.

2. Serán responsábeis subsidiarios os Administradores das sociedades e os síndicos, interventores ou liquidadores de crebas, concursos, sociedades e entidades en xeral, nos supostos e co alcance que sinala o artigo 43 da Lei 58/2003, de 17 de decembro, xeral tributaria.

### **ARTIGO 5. *Beneficios fiscais.***

Non serán aplicábeis outros beneficios fiscais cos expresamente previstos nas normas con rango de lei ou os derivados da aplicación de tratados ou acordos internacionais.

### **Artigo 6. *Base imponible, tarifas e cota tributaria***

1. A cota tributaria determinarase por unha tarifa fixa establecida en función da actividade a desenvolver e modulada en función da superficie do local, a cota mínima municipal que lle corresponda a efectos do Imposto sobre Actividades Económicas, a situación do local e a condición da actividade a efectos do Decreto 133/2008, do 12 de xuño, polo que se regula a avaliación de incidencia ambiental, ou no seu caso, no disposto no Regulamento de Actividades molestas, insalubres, nocivas e perigosas ou calquera outra normativa estatal ou autonómica sobre a materia.
2. Tarifa xeral
  - 2.1. As tarifas aplicables serán as contidas na disposición adicional desta Ordenanza, segundo a actividade exercida no local. Cando nun local se exerzan varias actividades, tomarase en conta a cota mais alta.
    - 2.1.1. Nas actividades suxeitas a avaliación de incidencia ou de impacto ambiental, a base imponible establecida na disposición adicional, modularase por aplicación do coeficiente 1,8, antes de proceder a aplicar os coeficientes e índices que se establecen nos apartados seguintes.
    - 2.1.2. Igualmente nas actividades non suxeitas ou excluídas de avaliación de incidencia ou impacto ambiental, a base imponible determinada na disposición adicional, modularase por aplicación do coeficiente 1,2, antes de proceder a aplicar os coeficientes e índices que se establecen nos apartados seguintes

2.2. A cota da tarifa aplicaráselle un coeficiente en función da superficie útil do local, de acordo coa seguinte escala:

Até 50 m <sup>2</sup>	0,7
De 51 a 100 m <sup>2</sup>	0,8
De 101 a 200 m <sup>2</sup>	0,9
De 201 a 500 m <sup>2</sup>	1
De 501 m <sup>2</sup> a 1.000 m <sup>2</sup>	1,2
De 1.001 a 2.000 m <sup>2</sup>	1,4
De 2.001 a 10.000 m <sup>2</sup>	1,6
De 10.001 a 50.000 m <sup>2</sup>	1,8
De mais de 50.000 m <sup>2</sup>	2,0

2.3. Ademais do coeficiente anterior, e sobre o resultado obtido, aplicarase un coeficiente de capacidade económica establecido en función da cota mínima municipal que corresponda á actividade desenvolvida no local a efectos do Imposto sobre actividades económicas, agás que non puidera ser determinado o epígrafe correspondente e por tanto a cota mínima municipal, aplicándose un coeficiente de 1, segundo a seguinte escala:

Ate 60,10 €	0,6
De 60,11 € a 180,30 €	0,7
De 180,31 € a 360,60 €	0,8
De 360,61 € a 601,01 €	1,0
De 601,02 a 1.202,02 €	1,2
De 1.202,03 a 3.005,05 €	1,4
De 3.005,06 a 6010,12 €	1,6
De 6.010,13 € a 30.050,60 €	1,8
De 30.050,61 a 60.101,20 €	2,0
De mais de 60.101,21 €	2,2

2.4. Sobre o resultado de aplicar os anteriores coeficientes, aplicarase un índice que pondere a situación do local, de acordo coa categoría da rúa segundo a clasificación vixente das vías públicas a efectos fiscais, segundo o seguinte cadro:

Establecementos situados na rúa de:	
Primeira categoría	2,0
Segunda categoría	1,6
Terceira categoría	1,3
Cuarta categoría	1,0

Regras de aplicación:

1. Cando nun mesmo local existan, sen discriminación no título de ocupación do mesmo, espazos destinados a vivenda e a establecemento suxeito a taxa, a base deste último será a que proporcionalmente lle corresponda á súa superficie.
2. Cando se trate de ampliación do establecemento, a base impoñíbel será a determinada na disposición adicional, modulada en función do coeficiente que lle corresponda pola superficie ampliada.
3. Cando nun local se exerzan varias actividades comprendidas en epígrafes diferentes, tomarase a suma das diferentes cotas para a aplicación deste coeficiente.
4. Cando se trate de actividades que tributen por cota provincial ou nacional, tomarase o 20% ou o 5% das cotas resultantes, respectivamente.

5. Este coeficiente aplicarase en función da cota mínima sinalada segundo a clasificación da actividade determinada no Real Decreto Lexislativo 1175/1990, que aproba as tarifas e instrución do Imposto sobre Actividades Económicas, aínda que o solicitante disfrute de exención en dito imposto ou non teña obriga de darse de alta no mesmo.
  6. Para a aplicación deste coeficiente non se terán en consideración as bonificacións que poidan ser aplicábeis no Imposto sobre Actividades Económicas.
  7. Os locais afectos tributarán pola cota que lles sexa asignada de acordo coas regras do Imposto sobre Actividades Económicas.
  8. Nas solicitudes para a instalación de antenas de telefonía móbil, sobre a base determinada no epígrafe 1.24 da disposición adicional, aplicaranse os seguintes coeficientes:
    - Coeficiente establecido segundo a actividade exercida no local (suxeitas a avaliación de incidencia ou impacto ambiental).
    - Coeficiente da actividade económica do suxeito pasivo establecido en función da cota mínima municipal que corresponda á actividade desenvolvida no local a efectos do Imposto sobre actividades económicas.
3. Nos supostos de traspasos, cesións ou transmisión da titularidade das actividades que se desenvolvan nos establecementos, aplicarase, sobre a cota determinada segundo os apartados anteriores, un coeficiente corrector do 0,05; agás que se produza un troco ou ampliación das actividades desenvolvidas no local, en cuxo caso, esixiríase a cota íntegra.

#### **ARTIGO 7. *Devengo.***

Devengase a taxa e nace a obriga de contribuír desde que se inicia a prestación do servizo.

A estes efectos, entenderase iniciada a actividade municipal ou prestación do servizo na data de presentación da oportuna solicitude de licenza de apertura ou da realización da comunicación previa ou declaración responsábel.

#### **ARTIGO 8. *Liquidación e ingreso.***

1. Ao tempo da presentación da comunicación previa ou declaración responsábel ou de solicitar a correspondente licenza, os interesados ou os seus representantes procederán a efectuar a correspondente autoliquidación e a ingresar o seu importe, en concepto de depósito previo.

2. Non se tramitará o expediente, se non se acredita a autoliquidación e o pagamento da presente taxa.

3. Os pagamentos derivados dos anuncios que deban realizarse por mor da tramitación dos expedientes, en calquera dos boletíns ou diarios oficiais, serán abonados polo solicitante.

#### **ARTIGO 9. *Renuncia e caducidade.***

1.- Antes de que sexa ditado o acto administrativo sobre concesión da licenza, ou no seu caso, dentro dos tres meses seguintes á presentación da comunicación previa ou declaración responsábel, os interesados poderán desistir expresamente das solicitudes. Dito desistimento xerará a devolución do 50% das taxas abonadas, sempre que se realizara no prazo de tres meses desde a presentación da solicitude de licenza de apertura ou dentro dos tres meses seguintes á presentación da comunicación previa ou declaración responsábel e a actividade non se tivera exercido.

2.- A caducidade, como un dos xeitos de rematar o procedemento administrativo e tramitada de oficio, non xerará dereitos económicos a favor dos contribuíntes.

## **ARTIGO 10. *Infraccións e sancións tributarias.***

En todo o relativo á cualificación de infraccións tributarias, así como das sancións que ás mesmas correspondan, estarase ao disposto nos artigos 183 e seguintes da Lei 58/2003, de 17 de decembro, xeral tributaria.

### **DISPOSICIÓN ADICIONAL**

As tarifas da presente taxa serán as que deseguido se establecen:

ACTIVIDADE DESENVOLVIDA NO ESTABELECIMENTO COTA EUROS

#### **1.- FABRICACIÓN:**

1.1.-Extracción , preparación, aglomeración ou almacenamento de combustíbeis sólidos e coquerías .....	<b>1.087,90 €</b>
-----	
1.2.- Refino de petróleo e outros combustíbeis .....	<b>3.626,34 €</b>
-----	
1.3.- Produción, transporte ou distribución de enerxía eléctrica, gas, vapor e auga .....	<b>1.813,16 €</b>
-----	
1.4.- Fabricación de xeo.....	<b>3.620,84 €</b>
-----	
1.5.- Fabricación e primeira transformación de metais, agás maquinaria e material de transporte (siderurxia).....	<b>1.087,11 €</b>
-----	
1.6.- Fabricación de produtos metálicos (metalurxia).....	<b>543,96 €</b>
-----	
1.7.- Extracción de minerais non metálicos nin enerxéticos. Turbeiras .....	<b>543,96 €</b>
-----	
1.8.- Extracción doutros minerais non metálicos nin enerxéticos.....	<b>1.450,53 €</b>
-----	
1.9.- Elaboración e tratamento da pedra natural.....	<b>652,73 €</b>
-----	
1.10.- Fabricación de materiais de construción .....	<b>652,73 €</b>
-----	
1.11.- Fabricación de produtos químicos, farmacéuticos, pirotecnia, e outros produtos químicos de uso industrial e doméstico.....	<b>906,58 €</b>
-----	
1.12.- Fabricación de maquinaria, material e equipos mecánicos.....	<b>724,94 €</b>
-----	
1.13.- Fabricación de material de transporte e seus compoñentes.....	<b>1.087,11 €</b>
-----	
1.14.- Fabricación de instrumentos de precisión, óptica e similares, incluído material e equipo eléctrico e electrónico.....	<b>1.087,11 €</b>
-----	
1.15.- Fabricación, envasado ou preparación de produtos alimentarios, bebidas ou tabaco.....	<b>652,73 €</b>
-----	
1.16.- Fabricación téxtil, da confección ou do calzado.....	<b>718,21 €</b>
-----	
1.17.- Industrias de transformación do caucho e materias plásticas.....	<b>543,96 €</b>
-----	
1.18.- Fabricación, transformación e almacenaxe de madeira, corcho e produtos similares, agás mobles.....	<b>362,63 €</b>
-----	

1.19.-Fabricación de mobles.....	652,73 €
1.20.- Industrias do papel, edición, artes gráficas e reprodución .....	652,73 €
1.21.- Fabricación de xoiería, orfebrería, pratería e similares.....	652,73 €
1.22.- Fabricación de instrumentos musicais, bixutería, artigos para o deporte e xoguetes.....	362,63 €
1.23.-Fabricación de máquinas, equipos e material mecánico.....	652,73 €
1.24.- Instalación de antenas de telefonía móbil.....	2.653,12 €
1.25.- Fabricación, depósito e almacenaxe de explosivos e similares.....	1.175,02 €
1.26.- Outras actividades non contempladas en parágrafos anteriores....	362,63 €

## **2.- SERVIZOS, VENDA E DISTRIBUCIÓN**

2.1.- Comercio por xunto .....	217,57 €
2.2.- Comercio polo miúdo.....	145,06 €
2.3.- Restaurantes .....	181,32 €
2.4.- Estabelecementos de bebidas con servizo de comidas.....	181,32 €
2.5.- Cafés -Bares de categoría especial con espectáculos en vivo e/ou de alterne.....	282,48 €
2.6.- Estabelecementos de bebidas (bares, pubs, cafés, etc).....	145,06 €
2.7.- Comedores colectivos e servizos de comidas preparadas.....	108,78 €
2.8.- Hoteis, moteis, hostais, pensións e similares con servizo de comidas, por cada habitación.....	13,06 €
2.9.- Hoteis, moteis, hostais, pensións e similares sen servizo de comidas, por cada habitación.....	8,69 €
2.10.- Cármpings, albergues e refuxios, por praza.....	3,63 €
2.11.- Outros tipos de hospedaxe, incluso os non turísticos, por praza .....	3,63 €
2.12.- Bancos, caixas de aforro e outros establecementos financeiros.....	435,17 €
2.13.- Axencias, delegacións de seguros e outros similares.....	217,57 €
2.14.- Salas de cine, teatro e espectáculos (non deportiv.).....	290,10 €
2.15- Estadios, pavillóns e campos de deporte.....	290,10 €
2.16.- Despachos profesionais e artistas.....	145,06 €
2.17.- Garaxes e aparcamentos, por praza.....	6,52 €
2.18.- Inmobiliarias e axentes da propiedade inmobiliaria.....	217,57 €
2.19.- Reciclaxe de chatarra e outros desfeitos.....	145,06 €
2.20.- Actividades e servizos relacionados co agro,	

gandería, pesca e silvicultura.....	145,06 €
-----	
2.21.- Estabelecementos afectos aos servizos de transporte (estacións, e terminais, oficinas de venda de billetes, facturación, almacéns, consignas e similares).....	181,32 €
-----	
2.22.- Servizos de correos e mensaxería.....	181,32 €
-----	
2.23.- Axencias de viaxe.....	181,32 €
-----	
2.24.- Estabelecementos afectos aos servizos de telecomunicacións.....	181,32 €
-----	
2.25.- Estabelecementos de ensino.....	145,06 €
-----	
2.26.- Estabelecementos farmacéuticos e sanitarios, incluído consultas médicas e similares.....	176,55 €
-----	
2.27.- Estabelecementos de asistencia social.....	72,52 €
-----	
2.28.- Estabelecementos afectos á actividade de construción (oficinas, locais destinados á venda, estudos técnicos, almacéns, talleres e similares).....	181,32 €
-----	
2.29.- Estabelecementos afectos á actividade de produción, transporte, e distribución de enerxía eléctrica, gas, vapor e auga.....	181,32 €
-----	
2.30.- Talleres e outros establecementos de reparación de vehículos, electrodomésticos e outros bens de consumo.....	181,32 €
-----	
2.31.- Comercio polo miúdo de combustíbeis, carburantes e lubricantes.....	290,22 €
-----	
2.32.- Outros establecementos non clasificados nos apartados anteriores.....	145,06 €

## **DISPOSICIÓN ADICIONAL SEGUNDA**

As disposicións relativas ao Imposto sobre Actividades Económicas contidas na presente ordenanza (rueiro e cotas tributarias), seguirán a manterse independentemente ou non da vixencia do referido imposto.

## **DISPOSICIÓN ADICIONAL TERCEIRA**

As tarifas desta ordenanza incrementaranse anualmente no IPC

## **DISPOSICIÓN FINAL**

A presente ordenanza derroga á aprobada polo Concello Pleno en sesión celebrada o día 1 de xaneiro de 1990.

Entrara en vigor ao día seguinte da publicación do seu texto integro no BOP, permanecendo en vigor até que sexa acordada a súa modificación ou derogación expresas.